




REPUBLIKA E KOSOVËS / REPUBLIKA KOSOVA  
REPUBLIC OF KOSOVA

KOMUNA E FUSHË-KOSOVËS / OPŠTINA KOSOVO-POLJE  
MUNICIPALITY OF FUSHË-KOSOVË/KOSOVO-POLJE



**Datë: 07.04.2017**

Kuvendi i Komunës, në mbledhjen e mbajtur më datë 31.03.2017, pas shqyrtimit të dytë të Propozimit Nr. 15, të datës 08.02.2017, paraqitur nga Drejtoria e Planifikimit Urban, bazuar në nenin 11, nenin 12, paragrafi 12.1, shkronja (c), nenin 17, shkronja (d), nenin 40, paragrafi 40.2, shkronja (a, l) të Ligjit për Vetëqeverisje Lokale Nr. 03/L-040, (Gazeta Zyrtare Nr. 28/2008), nenin 22, nenin 23, të Ligjit për Ndërtim, Nr. 04/L-110 (Gazeta Zyrtare Nr. 18/2012), nenin 8, nenin 10, të Udhëzimit Administrativ për lëshimin e lejes ndërtimore dhe tarifave për rregullimin e infrastrukturës Nr. 22/2012, nenin 12, paragrafi 12.1 shkronja (ç, nj), nenin 13, paragrafi 13.6, shkronja (c), nenin 27, shkronja (b, nj), të Statutit të Komunës, Nr. 98, i datës 17.08.2012, miratoi këtë

### **NDRYSHIM-PLOTËSIMIN E RREGULLORES PËR TARIFA NGARKESA DHE GJOBA KOMUNALE**

1. Miratohet ndryshim-plotësimi i 'Rregullores për tarifa, ngarkesa dhe gjoba komunale Nr. 63, të datës 16.05.2013', për: 'Caktimin e taksës administrative për lëshimin e lejes ndërtimore dhe tarifa rregulluese për rritjen e densitetit në infrastrukturë për vitin fiskal 2017'.
2. Me këtë ndryshim-plotësim të Rregullores shfuqizohet ndryshim-plotësimi i 'Rregullores për tarifa ngarkesa dhe gjoba komunale Nr. 50, i datës 12.04.2016' dhe caktohet taksa administrative për: 'Lëshimin e lejes ndërtimore dhe tarifa rregulluese për rritjen e densitetit në infrastrukturë për vitin fiskal 2017, për territorin e Komunës së Fushë-Kosovës, Nr. 02-90, np. 337-2/17-01-DT: 03.02.2017, për ndërtimet e kategorisë së parë dhe kategorisë së dytë të objekteve për njësitë e reja të banimit', si vijon:
  - 2.1 Taksa administrative për lëshimin e lejes ndërtimore për vitin fiskal 2017 është në vlerë prej 2,40€ neto dhe fitohet nga procesi i lëshimit të lejes-pranimi të aplikacionit për lëshimin e fletës poseduese, duke përfshirë zhvillimin dhe azhurnimin e Planit Rregullues Urban.

- 2.2 Tarifa rregulluese për rritjen e densitetit në infrastrukturë për vitin fiskal 2017 zbatohet për njësitë e reja të banimit dhe është e ndikuar nga rritja e popullsisë në komunën tonë due shërbimet komunale që ofrohen në: arsim, përkujdesje shëndetësore, shërbime publike, mbrojtje e shpëtim, kulturë, rini e sport për kokë banori në komunën tonë, është fituar vlera prej 120.11€, e cila tarifë në zbërthim i bie të jetë 2,40€ për një m<sup>2</sup>, të sipërfaqes neto.
3. Këto tarifa aplikohen për punët ndërtimore që rrisin numrin e njësive të reja banuese, shtëpi për vetëm një familje dhe ndërtesa për shumë familje-bloqet e apartamenteve.
4. Llogaritja dhe caktimi i taksës administrative për leje ndërtimore dhe tarifës rregulluese për rritjen e densitetit në infrastrukturë, nga pika dy (2) e këtij ndryshim-plotësimi të 'Rregullores për tarifa, ngarkesa dhe gjoba', do të bëhet nga Drejtoria e Planifikimit Urban.
5. Për zbatimin e këtij ndryshim-plotësim të 'Rregullores për tarifa, ngarkesa dhe gjoba komunale', është kompetente Drejtoria e Planifikimit Urban.
6. Ky ndryshim-plotësim i 'Rregullores për tarifa, ngarkesa dhe gjoba Nr. 63, të datës 16.05.2013', hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal dhe publikimit në gjuhë zyrtare në ueb-faqen e komunës dhe shfuqizon, ndryshim-plotësimin e 'Rregullores për tarifa, ngarkesa dhe gjoba Nr. 50 të datës 12.04.2016'.

**Akti i dorëzohet: Kryetarit të Komunës, Kryesuesit të Kuvendit të Komunës,  
Drejtorisë së PU, Drejtorisë së INSPK dhe Arkivës.**

**Kryesuesi i Kuvendit të Komunës  
Dr.sc. Fadil Krasniqi**

